

Тоомсрта багш

А. БАБЕНКО,

2-ч долан джилә школин завуч

Шидр болсн КПСС-н ЦК-н сентябрьск Пленум, партин XXI-ч хург хурах шиидвр гаргъсиг мана орн-нутгин күч-көлсчир ик политическ болн эдл-ахун өргмджтә тосцхав.

Мана республикин күч-көлсчир эн ик байрта йовдлиг эврәнн республикин Деед Советд сунъгългънла ирлцүлдж, өргмджән улмар өөдлүлдж, социалистическ дөрлдәнә залинь өргәр падрулдж шунджацхана.

Өдгә цагт цугъар республикиннь ах йоснд эврәнн зергланәс тоомсрта элчирән темдгджәнә. Тегәд чигн балгъсна 2-ч долан джилин школин багшнр хургтан депутатин кандидатд 25 джилин эргцд бичкдүдт медрлән өгч йовх багш Босхомджиева Бося Энеевнаг темдглвдн.

Бося Энеевна 1941 джил тәрдж гарад, ик эрт эк-эцкәсн

хагъцсмн. Тер бийнь Бося Энеевна Советин йосна нилчәр Аадрхнд педучилищ чиләгъад, терүнәс нааран 25 джилин эргцд багшлджана.

Сургъульчир болн багшнр энүг йир икәр таасдж күндлнә юнъгад гихлә бичкдүдт сургъмджан өгх кергәс Б о с я Энеевна күчн-чидлән хармнхш, медрлән арвлхш. Тегәд чигн энүнә сургъсн сургъульчир сән медрл авцхана.

Бося Энеевна шишлнъг багшллгънас нань, олна көдлмшт ик бнъган өгнә. Эн, багшнрин дамшлт өөдлүллгънә институтин штатд уга инспектор болад ик көдлмш кенә.

Бося Энеевна цуг мана даалгъвриг күцәх хальмг улсин итклтә үрнъ. Тегәд, сунъгъвр болх өдр — октябрин 19-д, сунъгъврин 7-ч округар

дуугъан негн мет өгтн гидж дууджана.